

EMBASSY OF THE UNITED STATES OF AMERICA

PUBLIC AFFAIRS SECTION

TEL: 880-2-883-7150-4

FAX: 880-2-9881677, 9885688

E-MAIL: DhakaPA@state.gov

WEBSITE: <http://dhaka.usembassy.gov>



সংবাদ বিজ্ঞপ্তি

ডাইভারসিটি ভিসা (ডিভি) কর্মসূচী বাংলাদেশ যুক্তরাষ্ট্রে অধিক অভিবাসীর দেশের সমান অবস্থায় উন্নীণ

ঢাকা, ২০শে সেপ্টেম্বর -- বাংলাদেশের নাগরিকগণ ৩০শে সেপ্টেম্বর ২০১২ থেকে ডাইভারসিটি

অভিবাসী ভিসার (ডিভি) জন্য আবেদন করতে পারবেন না। ডিভি লটারি কর্মসূচী যুক্তরাষ্ট্র কংগ্রেস অনুমোদিত
যার লক্ষ্য হলো যুক্তরাষ্ট্রে সেসব দেশের অভিবাসীদের সংখ্যা বৃদ্ধি করা ঐতিহাসিকভাবে যেসব দেশ থেকে
যুক্তরাষ্ট্রে অল্পসংখ্যক আইনানুগ অভিবাসীর আগমন ঘটেছে। যেহেতু বাংলাদেশ আর এই সংজ্ঞার আওতাধীন নয়
সেজন্য বাংলাদেশীদের জন্য ২০১২ সালের ডিভি লটারিই এই কর্মসূচীতে অংশগ্রহণের শেষ সুযোগ। যুক্তরাষ্ট্রে
অন্যান্য অধিক অভিবাসীর দেশ যেমন চীন, ভারত, মেরিকো ও যুক্তরাজ্যের সাথে বাংলাদেশের এবার এ সকল
দেশের সমান অবস্থায় উন্নীণ হলো।

গত পাঁচ বছরে, বাংলাদেশ ৫০,০০০-এর অধিক ‘স্থায়ী বাসিন্দা ভিসাধারীদের’ যুক্তরাষ্ট্রে পাঠিয়েছে।

আইন অনুযায়ী ডিভি কেবল সেসব দেশের জন্য প্রযোজ্য যেসব দেশ পাঁচ বছরের সময়সীমার মধ্যে ৫০,০০০-
এর কম অভিবাসী ভিসা পেয়েছে। যুক্তরাষ্ট্র নাগরিকত্ব ও অভিবাসী সার্ভিস (ইউএসসিআইসি) নিশ্চিত করেছে যে
বাংলাদেশ এই অভিবাসীদের সংখ্যাগত সীমা অতিক্রম করেছে। যার ফলে বাংলাদেশ ২০১৩ সালের লটারিতে
অংশগ্রহণ করতে পারবে না। এটা একটি সুসংবাদ কারণ এর মাধ্যমে প্রমাণিত হয় যে বাংলাদেশ থেকে
আইনানুগ অভিবাসীদের স্বাগতম জানানোর লক্ষ্যসীমা যুক্তরাষ্ট্র অর্জনে সক্ষম হয়েছে। যুক্তরাষ্ট্রে বাংলাদেশ থেকে
আগত বলে দাবি করে এমন অধিবাসীর সংখ্যা এখন প্রায় পাঁচ লক্ষেরও অধিকে পৌঁছেছে।

অক্টোবর ২০১১ থেকে নভেম্বর ২০১১ পর্যন্ত ডিভি ২০১৩-এর আবেদন প্রক্রিয়া চলবে। যেহেতু
বাংলাদেশ ডিভি কর্মসূচীর অবস্থান থেকে যুক্তরাষ্ট্রে অধিক অভিবাসীর অবস্থানে উন্নীণ হয়েছে এজন্য ২০১৩ ডিভি
কর্মসূচীতে বাংলাদেশীদের আবেদন না করার জন্য অনুরোধ করা যাচ্ছে। আবেদনকারীরা যদি মিথ্যার আশ্রয়
নিয়ে অন্য একটি দেশের বাসিন্দা হিসেবে উল্লেখিত সময়সীমার মধ্যে আবেদন করে তাহলে তাদের আবেদন
খারিজ করা হবে এবং সেই মিথ্যে আবেদনের প্রেক্ষিতে যদি কেউ ভিসা সাক্ষাৎকারে অংশগ্রহণের জন্য আসে
তাহলে সেই ব্যক্তি দ্বারা প্রদত্ত সকল প্রকার আবেদন ফি বাজেয়াগ্ত করা হবে।

২০১২ সালের ডাইভার্সিটি ভিসা বিজয়ীরা এই ঘোষণায় ক্ষতিগ্রস্ত হবেন না। গত ২০১০ সালের অক্টোবর মাস থেকে নভেম্বর পর্যন্ত যারা আবেদন করেছেন তারা চলতি ২০১১ সালের জুন মাস থেকে আগামী ২০১২ সালের জুন মাস পর্যন্ত তাদের আবেদনপত্র কোন পর্যায়ে রয়েছে তা www.dvlottery.state.gov এ দেখতে পারেন। সাক্ষাৎকারের জন্য নির্বাচিত হলে নিজেদের ভিসা সম্পর্কিত প্রক্রিয়াসমূহ অনুসরণ করতে হবে এবং অক্টোবর, ২০১১ থেকে ২০১২ সালের সেপ্টেম্বর মাসের মধ্যে তাদেরকে সাক্ষাৎকারের জন্য সময় দেয়া হবে।

ডাইভার্সিটি ভিসা কর্মসূচি সম্পর্কিত সম্ভাব্য প্রতারণা থেকে সাবধান থাকতে হবে। আপনি ডাইভার্সিটি ভিসা জিতেছেন - এ দাবী করে কেউ কেউ আপনার কাছে স্বশরীরে আসতে পারে অথবা আপনাকে ই-মেইল পাঠাতে পারে। এই সকল ব্যক্তি অথবা ই-মেইল বার্তার বিষয়ে সতর্ক থাকতে হবে। আপনি ডাইভার্সিটি ভিসা জিতেছেন কিনা তা জানার একমাত্র উপায় হচ্ছে ওয়েবসাইট www.dvlottery.state.gov এ ভিজিট করা এবং এন্ট্রি স্ট্যাটাস চেক ব্যবহার করে আপনার কনফার্মেশন নম্বর চেক করা।

পরিবার অথবা কর্মসংস্থানভিত্তিক আবেদনের উপর ইমিগ্রান্ট ভিসা আবেদনকারিগণ এই ঘোষণায় ক্ষতিগ্রস্ত হবেন না। এসকল আবেদনের প্রক্রিয়া অব্যাহত থাকবে এবং সাক্ষাৎকারের সময় অগ্রাধিকারভিত্তিতে চলতি তারিখের মধ্যেই হবে। যারা যুক্তরাষ্ট্রের নাগরিক অথবা স্থায়ী বাসিন্দা এবং সেদেশে তাদের পরিবারের সদস্যদের সাথে মিলিত হওয়ার জন্য আবেদন করতে ইচ্ছুক তারা আরো তথ্যের জন্য www.uscis.gov এ ভিজিট করতে পারেন।

শিক্ষার্থী, ব্যবসায়ী ভ্রমনকারি এবং পর্যটকদের মত নন-ইমিগ্রান্ট ভিসা আবেদনকারিগণ এই ঘোষণায় ক্ষতিগ্রস্ত হবেন না। এ ধরনের ভিসা পেতে যোগ্যতা অর্জনকারি নন-ইমিগ্রান্ট ভিসা আবেদনকারিদের সংখ্যার কোন সীমারেখে নেই। নন-ইমিগ্রান্ট ভিসা সম্পর্কিত আরো তথ্যের জন্য http://dhaka.usembassy.gov/non-immigrant_visas.html এ ভিজিট করা যেতে পারে।

=====

জিআর/ ২০১১

দ্রষ্টব্য: এই সংবাদ বিজ্ঞপ্তির ইংরেজি ভাষ্য ‘আমেরিকান সেন্টার’-এ পাওয়া যাবে। যদি আপনি ইংরেজি ভাষ্যটি পেতে আগ্রহী হন, তবে ‘আমেরিকান সেন্টার’-এর প্রেস সেকশনে (টেলিফোন: ৮৮৩৭১৫০-৮, ফ্যাক্স: ৯৮৮৫৬৮৮; ই-মেইল: DhakaPA@state.gov এবং ওয়েবসাইট: dhaka.usembassy.gov যোগাযোগ করুন।